



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Regin. Archiepiscopo & Episcopo Cephaludensi.

urn:nbn:de:hbz:466:1-20006

chiepiscopus pro duabus causis non debere se diceret eorum inde stare iudicio; tum videlicet quia causa ipsa tribus fuerat delegata, & ab illis duobus tantum, me presente inconsulto & infcio, nec vice mea super hoc eis commissa, citatus fuerat ad iudicium; tum etiam quia ante ipsorum citationem pro eadem causa nuncium suum ad pedes vestrae sanctitatis transmisserat, (in quo decretalis Domini Alexandri sibi apertius dignoscitur suffragari) ipsi ejus assertiones nullatenus attendentes, iterum sine mei notitia contra eum, ut responderet, sententiam protulerunt. In quibus omnibus predictus Archiepiscopus gravari se sentiens, ad vestrae beatitudinis audientiam appellavit. Erit igitur, si placet, vestri fontis scientiae, cujus impetus laetificat civitatem Dei, super his juxta summum vestrae immensa discretionis arbitrium providere. Datum Panormi XXV. die mensis Augusti, prima Indictione.

*LITERAE ARCHIEPISCOPI
& conventus Montis-Regalis ad
Dominum Papam.*

Epist. 391.
De eodem ar-
gumento.

Sanctissimo Patri & totius fidei Christianae magistro Domino Innocentio, Ca. Montis-Regalis humilis minister, ejusdemque Ecclesiae universus Conventus, pedum osculum, & quod potest peccatorum oratio. Placuit beatitudini vestrae causam quae vertitur inter Rossanen. Archiepiscopum & Ecclesiam nostram, immo vestram, iudicibus delegatis committere, videlicet Panormitan. Regin. & Capuan. Archiepiscopis, sine debito terminandam. Vnde nos in omnibus & super omnia mandatis apostolicis parere cupientes, ad primam duorum tantum citationis vocem accessimus, exceptiones nostras (sicut juris est) peremptorias opposentes, videlicet quod nuncios nostros specialiter pro hac eadem causa ante citationem ad pedes sanctitatis vestrae transmisseramus. Elapsis postmodum tribus aut quatuor diebus, a Panormitan. & Capuan. tantum Archiepiscopis, sicut prius, citati, ne vestram videremur contemnere majestatem, eorumque conspectui presentati, quia primam exceptionem nostram frivolam judicabant, aliam exceptionem non minus peremptoriam adjecimus, & obicimus quia cum causa fuisset a san-

ctitate vestra tribus iudicibus delegata, presente tertio & irrequisito, videlicet Domino Reginensi, nobis etiam absentibus & ignaris, exceptiones nostras inutiliter judicantes, pronuntiaverunt adversa parti nos respondere teneri. Vnde ob tam evidentes & suspicionis & gravaminis causas ad sedem apostolicam appellavimus, quae mater est & subsidium omnium oppressorum, cum in omnibus his appellatione opus non esset. Nam prima causa est, quia nuntij nostri ante citationem iter arripuerant ad vos veniendi. Secunda, quia presente tertio & ignaro, & citaverunt, & decretalem Alexandri, quae loquitur in hunc modum, frivolam judicantur. *Ceteram cum aliquam causam contigerit tibi appellatione remota commissam fuisse, & adversa pars post factam citationem iter arripuerit ad sedem apostolicam veniendi, non minus poteris in negotij cognitione secundum juris formam procedere. Quod utique si ante citationem iter inceperit, non est utique observandum.* Sed, quod deterius est, nobis nescientibus & irrequisitis pronuntiaverunt praemissas exceptiones nullius fore momenti. Vnde prostrati ad pedes sanctitatis vestrae petimus plus affectu quam voce, plus devotione quam verbo, ut Ecclesiam nostram, quae vestra specialis est, nullis patiamini perturbationibus concuti, nec aemulorum nostrorum quasi luporum moribus lacerari. Valeat sanctitas vestra.

Cap. Meminimus, De appellat.

*REGIN. ARCHIEPISCOPO
& Episcopo Cephaludensi.*

Cum causa quae vertitur inter venerabiles fratres nostros Montis-Regalis & Rossanen. Archiepiscopos, super quibusdam decimis, vener. fratribus nostris Panormitano & Capuano Archiepiscopis & tibi frater Regin. commissa fuisset a nobis sine canonico terminanda, praedictus Archiepiscopus Montis-Regalis, sicut ex literis ejus accepimus, ad primam praedictorum Panormitan. & Capuan. Archiepiscoporum citationem accessit: in quorum praesentia constitutus excipiendo proposuit quod pro duabus causis non deberet eorum stare iudicio; tum videlicet quia causa ipsa fuerat tribus delegata, & ab illis duobus tantum, te frater Regin. presente inconsulto & infcio, nec vices tuas eis super hoc committente, fuerat

Epist. 392.
Causa de qua
duae precedentes
epistolae lo-
quuntur, ipsis
committitur.
Cap. Cum causa.
De officio
jud. deleg.

ad iudicium evocatus; tum etiam quia ante ipsorum citationem pro eadem causa nuncium suum ad apostolicam sedem transmiserat. in quo decretalem felicitis mem. Alexandri Papæ III. prædecessoris nostri sibi affirmabat apertius suffragari. At verò iidem Archiepiscopi exceptiones ipsius nolentes admittere, contra eum ut responderet interlocutoriam sententiam protulerunt. propter quod idem Archiepiscopus sentiens se gravari, sedem apostolicam appellavit. Nos igitur prædictorum inquisitionem & decisionem canonicam vestra discretionis examini committentes, fraternitati vestrae per apostolica scripta mandamus quatenus vocatis ad præsentiam vestram qui fuerint evocandi, & inquisita super præmissis diligentius veritate, si vobis constiterit prædictos Archiepiscopos exceptiones prædictas nullatenus admisisse, non obstante eo quòd per ipsos factum est, decimas ipsas, quibus prædictus Montis-Regalis Archiepiscopus se, postquam nuntij sui propter hoc ad sedem apost. accesserunt, asserit spoliatum, præcipuè cum easdem tum sibi quam Ecclesiæ suæ à sede apostolica fuisse asserat confirmatas, sive per laicalem potentiam, sive etiam per eosdem iudices factum sit, cum fructibus inde perceptis, sublato cujuslibet contraditionis & appellationis obstaculo, restitui faciatis; audientes postmodum, quantum de jure poteritis, si quid fuerit quæstionis, & appellatione remota, sine debito decidentes. Datum Laterani Kalend. Novembris.

*EPISCOPO, CONSULIBVS,
& populo Parmen.*

*Epist. 393.
De ablata per vim Cardinali in itinere pecunia.
Vide supra epist. 122.*

Licet Romana Ecclesia, quæ ceterarum mater est & magistra, in delinquentes juxta suorum excessuum qualitatem rigorem severitatis ecclesiastica consueverit exercere, illis tamen qui à suo respicientes errore, humiliter ad ejus obedientiam redeunt, solita est benignitatem & mansuetudinem exhibere, & viscera caritatis misericorditer aperire illius exemplo qui neminem ad se venientem respuit. Accepimus siquidem ex tenore literarum tuarum, frater Episcopo, ac dilecti filij P. sanctæ Mariæ in via lata Diac. Cardinalis, apostolicæ sedis Legati, quòd medietatem pecuniæ nostræ, ac suæ, ac servientium

ipsius, quæ, dum per Lombardiam iter faceret, illi fuit violenter ablata, restituere promisistis, & solutis jam centum marcis, infra octavam proximò venturæ Paschæ vos firmiter obligastis residuum soluturos; à Consulibus, Rectoribus, tota credentia vestrae civitatis, & ab alijs etiam, prout prædicti Card. nuntio visum fuit, super hoc data juratoria cautione. Ipse verò Cardinalis sententias interdicti & excommunicationis, quæ in quosdam vestrum & civitatem vestram fuerant promulgatæ, auctoritate apostolica relaxavit, & Ecclesiam sancti Dominici de Burgo, quæ propter hoc à jurisdictione Parmen. Ecclesiæ fuit exempta, donec esset super hoc congruè satisfactum, ipsi Parmen. Ecclesiæ statuit sicut priùs de cetero fore subjectam; ita tamen quòd si prædicta pecunia infra præscriptum terminum, prout tenemini juramento, non fuerit integrè persoluta, ex tunc tam vos quàm civitas vestra & Ecclesia Parmen. sitis eisdem sententijs & eidem pœnæ subjecti. Idem insuper Cardinalis in manu vestra, quantum ad medietatem prædictæ pecuniæ, juri accessit omnino, & ex parte nostra promissit quòd nos juri nostro similiter cedemus, ut reperendi medietatem illam, vel agendi adversus quemlibet nomine nostro habeatis liberam facultatem. Nos igitur erga humilitatem vestram benignius agere cupientes, quòd à prædicto Cardinali (sicut præmissimus) factum est, ratum & firmum habemus, & volumus inviolabiliter observari, super illa medietate juri nostro cedentes, prout vobis Cardinalis ipse promissit. Porro districtè præcipimus ut Palavicinus & ceteri qui cum eo fuerunt perpetratæ iniquitatis principales auctores, usque ad plenariam satisfactionem sententiæ promulgatæ in eos teneantur astricti. Datum Laterani X. Kal. Novembris.

*EPISCOPO CIVITATIS
Castellan.*

Honestatem Cistercien. ordinis, quæ per Dei gratiam longè lateque diffunditur, tanto perfectius cupimus custodiri, quanto ferventiùs viros religiosos & pia loca diligimus, & eos in suis justitijs intendimus propensius confovere. Quia verò non solum illis sed generaliter omnibus sumus in sua justitia debitores, intellecta litis materia que

inter

*Epist. 394.
Rationem perscribere observandam circa sepulchrum mortuorum, inter Episcopum & Cistercienses.*